

Aelianus schreibt auch: Da eine Ehebrecherinne höret jr Mann würde zu Hauß kommen/ verbarg sie ihren bulen heimlich in ein Gemach/ daß er den Mann des Nachts umbbrächte/ vnd sie als dann zu der Ehe nemme/ vnd wiewol die Knechte sich mit Geld bestechen ließen/ der Frauen böses fürhaben zu fürdern/ vnd heimlich zu halten/ so war doch ein einziges Schloßhündlein im Hause/ das leget sich vor die Thür des Gemachs/ darinn man den Mörder versteckt hatte/ vnd ließ nicht nach zu scharren vnd zu bellen/ wie der Herz heim kam/ biß dem Herren ein verdacht einfiel was doch inn dem Gemach seyn möchte/ darumb das Hündlein ein solch wesen führet/ reiß derhalben die Thür auff/ vnd fandte den Mörder/ welches jm sein Leben erhalten.

Es war ein Mann/ sagt auch *Aelianus*: der zoge einmahl auff ein Jahrmarkt/ vnd hette bey ihm einen Knecht vnd einen getreuen starcken Hundt/ wie nun der Knecht/ so das Geld führet/ zwischen Beges den Seckel mit dem Geld von sich ablegel/ als er neben austretten vnd seine nohturfft verrichten wolt/ vnd aber des Seckels darnach vergaß/ wardt solches der Hundt mercken/ gieng derhalben hin/ legt sich zum Seckel/ vnd ließ die beyde wegziehen/ Da sie aber zu Markt kamen/ vnd das Geld nicht funden/ fehreten sie stracks widerumb hinder sich/ vnd funden den Hund auff dem Seckel/ der auß lauterer trewe das Geld wol zubewahren/ schier gar verschmachtet war.

Muß noch eines auß dem *Plinio* hinzu setzen: Er schreibet von einem Hundt der sich zu Rom für den Kercker/ inn welchem sein Herz gefenglich eingezogen war/ gelegt/ vnd mit keinen streichen abgetrieben werden konte/ da man auch seinen Herrn als er an der Fulter seinen geist auffgab/ vber die Stiege der verdampfen herab stürzte/ heulte der Hundt gar kläglich/ darauff warff ihm einer auß der menge des Volcks ein stück Brots dar/ das rug er seinem todten Herrn für den Munde/ als aber endlich die Scharpfrichter des verstorbenen Körper inn die Eyber zogen/ schwunnt der Hundt hinein/ vnd brachte seines Herrn todten Leichnam widerumb zu Lande.

Grada
Gemonij

Wann
man
Hose
lieb sel.

6